




ԱՄԱՆՈՐԻ ՀԱՆԴԵՍԸ ՍՈՒՐԲ ԷԶՄԻԱԾՆԻ ՀՈԳԵՎՈՐ ՃԵՄԱՐԱՆՈՒՄ

Դեկտեմբերի 31-ի գիշերը, երկուշաբթի, Հոգևոր Ճեմարանի ուսանողությունը, Ճեմարանի դահլիճում, ամանորի ավանդական սեղանների շուրջ հավաքված, հրաժեշտ ավեց անցնող հին՝ 1956 տարվան, և նոր եռանդով, նոր հույզերով ու խոհերով և ազնիվ ցանկություններով դիմավորեց 1957 նոր տարին:

Երեկոյան ժամը 8-ին Հոգևոր Ճեմարան ժամանեց Վեհափառ Հայրապետը, որն ընդունվեց որոտընդոստ ծափահարություններով: Վեհափառը նախագահեց ամանորի սեղանին:

Հոգևոր Ճեմարանի տեսչության հրավերով ընդունելության ներկա էին Գերագույն Հոգեվոր Խորհրդի անդամները, Վեհամայրը, Մայր Աթոռի ամբողջ միաբանությունը, Վերստուգիչ հանձնաժողովի անդամները, Ճեմարանի դասախոսական կազմը, վանքի ամբողջ պաշտոններով, «Էջմիածին» ամսագրի խմբագրական մարմինը:

Ամանորի սեղանների շուրջ հավաքված, սիրով ու երախտագիտությամբ շրջապատած իրենց սիրելի Հայրապետին, Մայր Աթոռի միաբանությունը, Ճեմարանի ուսանողությունը և բոլոր ներկաները խանդավառ մթնոլորտի մեջ, ուրախությամբ դիմավորում էին նոր տարին:

Ճեմարանում ամանորի առթիվ կազմակերպված այս երեկույթն ուներ նաև գեղարվեստական լավին: Եղան երգ, նվագ, արտասանություն, ճառ:

Ճեմարանի տեսչության և դասախոսական կազմի անունից փոխ-տեսուչ հոգեշնորհ Տ. Մեսրոպ վարդապետ Անթարյանը սրտագին բարեմաղթություններով շնորհավորեց Վեհափառ Հայրապետի և Գերագույն Հոգևոր Խորհրդի անդամներին, միաբանության և բոլոր ներկաների նոր տարին, մասնավոր շնորհակալություն հայտնելով Վեհափառ Հայրապետին, որ բարեհաճել էր անձամբ նախագահել և սեղանակից լինել Միաբանության եռօրյա ուսանողության նոր տարվա առթիվ կազմակերպված սեղանին:

Ա. դասարանի ուսանողներ Ն. Պալյանը և Ա. Սահակյանը ջերմորեն արտասանեցին նոր տարվան նվիրված բանաստեղծություններ, առաջինը Արամ Արմանի «Նոր տարին», իսկ երկրորդը՝ Ռուսերեն: Գլխավորի ուսանող Իշխան Մելքոնյանը ապրումով արտասանեց Գեղամ Սարյանի «Օրացույցը»:

Ճեմարանի երգչախումբը, պ. Հրանտ Գեվորգյանի ղեկավարությամբ, մեծ հաջողությամբ կատարեց մի շարք քառաձայն երգեր՝ «Մայր Աթոռ», «Սոնա լար», «Իմ լինարի լարը», «Էս գիշեր», «Յալալի», «Յալգալին» և «Հուռ գիշեր» (Մենդյան երգ): Գլխավորի ուսանողներ Գրիգոր Ներսիսյանը և Վլադիմիր Բերդյանը դաշնակի և ջութակի վրա շնորհալիորեն կատարեցին մի շարք դասական նվագներ: Ճեմարանականները իրենց արտասանություններով, երգով, նվագով ու խոսքով զվարթացնում էին ամանորի սեղանը:

Հանուն Ճեմարանի ուսանողության, Գ դասարանի աշակերտ և վերջերս Կիրանանից Մայր Աթոռ Ս. Էջմիածին ուսանելու եկած նոր Ճեմարանական Սարգիս Սարգսյանը կարդաց հետևյալ հուզիչ ուղերձը.

«Աստվածարյալ Ս. Հայրապետ.

Թույլ տվեք ինձ, նոր տարվան այս բերկրառիթմ և հանդիսավոր տոնին, շնորհավորել Ձեր նոր տարին Մայր Աթոռ Ս. Էջմիածնի Հոգևոր Ճեմարանի ուսանողության անունով: Մերագիր կաղոթենք, որ Աստված երկար կյանք, քաջառողջություն և արևշատություն պարգևե Ձեզի:

Երկար տարիներ շարունակ ամանորի այս շքեղ հանդիսության մասնակից եղած եմ օտար հողի վրա և տարբեր հորիզոնի տակ, բայց այսօր մեծ բախտավորություն ունիմ Հայրենի սրբազան հողին վրա, Արարատի հովանիին տակ, Միածնաէջ Տաճարի ծոցին մեջ և Ամենայն Հայոց Ընդհանրական Հայրապետի ներկայության տոնելու այս ցնծալի երեկոն:

Տասնվեց երկար տարիներու ամանորի տոնական երեկոները ինձի այնքան ուրախալի չեն թված, որքան այս անմոռանալի երեկոն, այս ջերմաշունչ հարկին տակ:

Քիչ հետո 1956 տարին պլավացող ճրագի մը նման պիտի մարի, և անոր պիտի հաջորդե նոր տարին, լուսաշող աստղի մը նման լուսավորելով ամբողջ տիեզերքը:

Նոր տարին իր խոհերով և պատգամներով մեր սրտերուն մեջ պիտի բոցավառե քրիստոնեական հավատքի հուրը՝ մեր միտքը մշակելու, հոգին աղնվացնելու վեհ դադափարներով ու զգացումներով:

Ջերմագին կաղոթենք, որ Աստված Էջմիածնի լուսո անշեջ վառարանն կայծ մը ցուլացնե մեր մտքն ու հոգին ներս, որպեսզի ապագային արժանի ժառանգորդները հանդիսանանք մեր հանճարեղ և երախտաշատ հոգևորականներուն, որոնք զարգացուցին մեր դիրն ու զարթոյնը ու շնչուցին մեր տաճարները:

Պիտի ուզեի կրկին Հոգևոր Ճեմարանի ուսանողության կողմն նոր տարվան առիթով մեր սիրելի Վեհափառ Հայրապետին մաղթել, որ ամենահոր Տեր երկար կյանք և արևշատություն պարգևե, վերականգնելու և հավերժ անսասան պահելու համար հայ ժողովրդի քրիստոնեական սուրբ հավատքի անշեջ վառարան Մայր Աթոռ Ս. Էջմիածինը:

Շնորհակալության խոսք ունինք մեր սիրելի և անխոջ ուսուցիչներուն, որոնք իրենց ամբողջ եռանդն ու կարողությունը ի գործ կ'դնեն մեր հոգևոր, իմացական, բարոյական դաստիարակության վեհ գործի համար:

Շնորհակալության խոսք նաև Մայր Աթոռի միաբաններուն, որոնք Ղևոնդներու օրինակով կ'ձգտին ստեղծել հայրենասիրական և եկեղեցասիրական բարձր զգացումներ մեր հոգիներին ներս:

Վեհափառ Հայրապետ, նոր տարվան հետ Հոգևոր Ճեմարանի ուսանողությունը կ'ստանա իր ամբողջ ճիգերը ի գործ դնել, լավ ուսանելու և ուսման գործին մեջ փայլուն արդյունքներու հասնելու համար:

Հանուն Հոգևոր Ճեմարանի ուսանողության սրտանց կշնորհավորեմ այստեղ ներկա գտնվող բոլոր հարազատներուն նոր տարին:

Շնորհավոր նոր տարի»:

Ընդունելության ժամանակ ջերմ, հուզիչ և լույսներ ունեցան Գերագույն Հոգևոր Խորհրդի անդամներ պերաշնորհ Տ. Սահակ արքեպիսկոպոսը, պրոֆ. Ա. Ղարիբյանը, Մայր Աթոռի տնտեսա-ֆինանսական կառավարչության պետ պ. Հմայակ Սեդգարյանը, Մայր Աթոռի փոխ-լուսարարապետ հոգեշնորհ Տ. Նդիշե վարդապետ Սարգսյանը և ուրիշներ:

Ուսանող սարկավազների անունից բարեշնորհ Խորեն սարկավազը իր գրավոր ուղերձի մեջ ասաց.

«Վեհափառ Տե'ր.

Թույլ տվեք Մայր Աթոռ Ս. Էջմիածնի Հոգևոր Ճեմարանի ուսանող սարկավազների անունից շնորհավորել Ձերդ Վեհափառությունը նոր տարվա ուրախ առթիվ: Այսօր ճիշտ մեկ տարի է անցել այն օրից, երբ Ձերդ Վեհափառության հայրական սիրալի ներկայությամբ դարձյալ համախմբված ավանդական այս սեղանի շուրջ, թևակոխեցինք 1956 տարեթիվը: Այսօր ավելի ուրախ, ավելի երջանիկ ենք զգում մեզ, վերստին ունենալով մեր վրա Ձեր հայրական հոգածությունն ու մշտական հովանին:

Այս մեկ տարվա ընթացքում, մեծ ու անգնահատելի են եղել Ձերդ Վեհափառության ձեռնարկած գործերը Հայաստանյայց Առաքելական Ս. Եկեղեցու միասնության, հոգևոր վերադարձների և Մայր Աթոռի վանական, վարչական, միաբանական և շինարարական աշխատանքների ասպարեզում: Սակայն անցնող այդ մեկ տարին ազգային-եկեղեցական տեսակետից զերծ չեղավ նաև զժխտություններից: Մաշլ ամպար կուտակվեցին Սփյուռքի ազգային-եկեղեցական կյանքի վերև, վիշտ պատճառելով Ձերդ Վեհափառության:

Համոզված ենք, որ Աստուծո ողորմությամբ և հայ հավատացյալ ժողովրդի սրտագին ադոթներով կցրվեն այդ ամպերը և նորից կփայլի պայծառ երկինքը:

Վեհափառ Տե՛ր, թույլ տվե՛ք, ավանդական այս սեղանի շուրջ, մեկ անգամ ևս հավատափառացնել Ձերդ Սրբությանը, որ մեր բոլորիս միակ մտասևեռումն է բոլորվել Ձեր շուրջ և մեր ուժերի ներած չափով, նվիրվել մեր սրբազան ուխտին ու կոչմանը, լիահույս լինելով, որ Ձերդ Վեհափառությունը մոտավոր ապագայում, համազգային հարգանքի ներքո, պատմական Վաղարշապատի մեջ, պիտի ստեղծի մի նոր ոսկեդար, Ս. Սահակ Պարթև Հայրապետի և հայ մտքի ու գրականության ջահակիր Ս. Մեսրոպ Մաշտոցի օրինակով:

Ազդեցում ենք միաբերան և հայցում բարձրյալ Արարչից, որ Մայր Աթոռ Ս. Էջմիածնին պարգևի անսասանություն, և մեր սիրելի, իմաստուն և հայրենասեր Հայրապետին՝ երկար կյանք և արևշատություն:

Ենորհա՛վոր նոր տարի, Վեհափառ Տե՛ր»:

Ժամերն անցնում էին ուրախ, բովանդակալից և հաճելի:

Երեկույթի վերջում միաբանության և ճեմարանի ուսանողության ուղղված հայրապետական իմաստալից խրատական խոսքը Վեհափառ Հայրապետը: Նորին Ս. Օծությունը նոր տարվա առթիվ թելադրեց ուսանողության և միաբանության՝ նոր տարվա հետ միասին վերանորոգվել և հոգեպես, լրջորեն

ըմբռնել կաղանդի գիշերվա խորհուրդը, և սրտագին նվիրումով ծառայել Մայր Աթոռին, Հայաստանյայց Առաքելական Եկեղեցուն, մեր ժողովրդին և Հայրենիքին:

Նորին Ս. Օծությունը խոսքից ներշնչված շեշտով, հավատով, խանդավառությամբ՝ Մայր Աթոռի առաջ կանգնած կարևոր հարցերի իրագործման մասին և իր լավատեսությունը խանդավառեց, գոտեպնդեց բոլոր ներկաներին՝ ձեռք-ձեռքի տված աշխատելու միասին հօգուտ Մայր Աթոռի: Վերջում Վեհափառ Հայրապետը սրտագին բարեմաղթություններ արեց Մայր Աթոռի անսասանության, Հայրենիքի հզորության և աշխարհի խաղաղության համար:

Վեհափառ Հայրապետի խոսքերը խորապես հուզեցին բոլոր ներկաների սրտերն ու մտքերը, անջնջելիորեն տպավորվելով նրանց յուրաքանչյուրի հիշողության մեջ:

Վեհափառ Հայրապետը նոր տարին՝ 1957 թվականը դիմավորեց Հոգևոր ճեմարանում իր միաբանների և որդիների հետ, բազմաամանորի նույն սեղանի առաջ:

Ուշ գիշերին, նոր տարվան նվիրված այդ նշանակալից հավաքույթը փակվեց Վեհափառ Հայրապետի «Պահպանիչ»-ով:

